

楊天惠附子記

特1

3396



31.9.12


揚天惠附子記



特 1
3396

全





附子記

宋趙與峕嘗實遺錄
茅三卷載

東蜀楊天惠撰

綿州故廣漢地領縣八惟彰明出附子彰明領鄉二十惟

赤水廉水會昌昌明宜附子總四鄉之地為田五百二十

頃有奇然杭^稻稻之田五菽粟之田三而附子之田止居其

二焉合四鄉之產得附子二十六萬斤已上然赤水為多廉

水次之而會昌昌明所^上為甚凡上農夫歲以善田代處

前期輒空田一再耕時薺麥若巢糜其中比苗稍壯

并根葉搗覆土下復耕如初乃布種每畝用牛十耦用糞

附子記



五十斛七寸為壠五尺為符終畝為符二十為壠千二百
壠從符衡深亦如之。其餘為溝為涂春陽墳盈丁壯
畢出疏整符壠以需月雨風雨時過輒振拂而駢持之
既又挽草為援以御烜日其用工力比宅田十倍然其歲獲
亦倍稻或過之凡四鄉度用種千斛以上種出龍安及龍
州齊婦不門青槌小平者良其播種以冬盡十一月
止採頤以秋盡九日止其莖類野艾而澤其葉類地麻
而厚其花紫辨黃莖長苞而圓蓋其實之美惡視切

之勤厥以故畱室之入常羨貧者雖接畛或不盡然又有
七月採者謂之早水拳縮而小蓋附子之未成者然此物
畏惡猥多不飽常熟或種羨而苗不茂或苗秀而實
不充寧已釀而腐或已暴而寧若有烏陰為之故園人將
採常禱於神或目為菜妖云其釀法用醴醅安密室淹覆
彌月乃發以時暴涼久乃乾定方出釀時其大有如拳者
已定輒不盈握故。若極難得蓋附子之品有七實本
同而末異其種之化者為烏頭附烏頭而傍生者為附

子又左右附而偶生者為鬲子又附而長者為天雄又附而尖者為天佳又附一出者為側子又附而散生者為漏籃皆脉絡連貫如一母而附子以貴故獨專附名自餘不得有為凡種一而子六七以上上則其實皆小種一而子二三則其實稍大種一而子特生則其實特大此其凡也附子之形以薄坐正節角少為上有節多鼠乳者次之形不正而傷缺風皺者為下附子之色以花白為上鐵色次之青綠為下天雄烏頭天佳以豐實過握為勝而漏籃

側子園人以乞棄役人不足數也大率蜀人解附子者少惟陝輔閩浙宜之陝輔之賈纔市其下者閩浙之賈纔市其中者其上品則皆士大夫求之蓋貴人金多喜奇故非得大者不厭然土人有知菜者云小者固難用要之半兩以上皆良不以及兩及可此言近之按本草經及注載附子出隄為山谷及江左山南嵩高齊魯間人考之皆無有誤矣又云春採為烏頭冬採為附子大謬又一附子八角者良其角為側子愈大謬與余所聞絕異豈所謂蓋信書不如無書者類耶以上皆楊說

特1
3396

古涪志既刪取其略著于篇然又云天雄与附子類同而種殊附
子種近類漏監天雄子香附子凡種必取土為槽作傾邪之
勢下廣而上狹實種其正其生也与附子絕不類雖物使然
亦人々有以使之此又揚說所未及也審如志言則附子与天雄
非一本矣揚說失之本草因經与此小異廣雅云美毒附子也
一歲為薊与側子二歲為烏頭三歲為附子四歲為烏頭五歲
為天雄蓋亦不然鬲子天佳漏籃三物本草皆不著張華博物
志又云烏頭天雄附子一物春夏秋冬夏採各異也終


特1
3396



国立国会図書館

タイトル『楊天恵附子記』 請求記号 特1-3396

ガラス使用



国立国会図書館

タイトル『楊天惠附子記』 請求記号 特1-3396

ガラス使用